

## **Ekwo ke mbụ, Jonu deru**

### *Okfu, bụ ndzụ shi l'eka Nchileke*

<sup>1</sup> Iphe ayi ede l'ekwo-ozu-wa bukwa k'onye ono, epha iya bụ Okfu Nchileke, bụ iya bụ ke okfu ono, bụ ndzụ, shi l'eka Nchileke ono. Okfu ono, anuje ndzụ ono bẹ shikpoo lẹ mbulembu nọduta. Ayi nukpooru iya lẹ nchị; bya egudewa ẹnya ayi phụ iya; gbua ya igo; bya ebyikwaa ya phụ ẹka. <sup>2</sup> Onye ono, bụ ndzụ ono bẹ Nchileke meru; e gude ẹnya phụ ya; ayịbedua aphụwa iya. Yọ bụru iya bẹ ayi aturu unu onu iya-a. Mbụ; l'iphe ayi akọru unu bụ ke ndzụ gbururu jeye ono. Ndzụ ono bẹ yele Nchileke, bụ Nna shihakpowa nọduta. Nchileke abya ekoshi iya ayi; mee; ayi amaru iya. <sup>3</sup> O bụ iphe ono, ayi phuru l'ẹnya; bya anụ lẹ nchị ono bẹ ayi akọkwaruphu unu-wa: t'ayi l'unu tughbabe onwayi. Atughbabe ono bụ atughbabe ophu ayi lẹ Nchileke, bụ Nna; me Nwa iya, bụ Jisosu Kuráyisutu tughaberu. <sup>4</sup> Iphe ayi gude ederu unu iphe-a aburu k'ophu ẹhu a-tsọ ayi l'unu ẹna; tsọfu iya l'ishi.

### *Nchileke bụ iphoro, ngaru ẹgu*

<sup>5</sup> O bụ ozi, ayi nuru yebedua, bụ Kuráyisutu l'onu bẹ ayi akọru unu-wa: bụ iya bụ lẹ Nchileke bụ iphoro; ochi ta nọdu iya lẹ phuu. <sup>6</sup> Teke

ayi sūru l'ayi l'iya tūgbaberu onwayi; l'ēke ayi nōkwadu l'ōchi bŭkwa ējo-ire bē ayi adzū; ōphu ayi te emedu ire-lanū. <sup>7</sup> Obenu lē teke ayi bu l'iphoro ēge yēbedua nō l'iphoro; ōo ya bŭ l'ayi l'ibe ayi tūgbaberu; mee Jisōsu, bŭ iya bŭ Nwa Nchileke asafŭkotaje ayi iphe dŭ ēji, ayi meru l'ō ha.

<sup>8</sup> Teke ayi sūru l'ayi te medu iphe dŭ ēji bŭkwa onwayi bē ayi eme eswe; ōkpobe okfu ono ta anō ayi l'ēhu. <sup>9</sup> Teke bŭkwanu l'ayi kōshiru iphe dŭ ēji, ayi meshiru bē ōo-gŭru ayi nvŭ l'iphe dŭ ēji ono l'ō ha; bya asafŭkota ayi iphe bŭ ējo umere, ayi eme; keshinu ōphu ō bŭ onye evudoshije ike l'iphe o kweru ūkwa iya; bya abŭkwaruphu onye doberu ēka ndoo. <sup>10</sup> Teke ayi sūru l'ayi te medu iphe dŭ ēji bē ayi mewaru iya onye ntuphu-ire; okfu iya ta nō ayi l'ēhu.

## 2

### *Kuráyisutu bŭ ō-kwōo ayi lē mkpa*

<sup>1</sup> Ūnwegirima mu; iphe-a kpamŭkpamu bē mu edekwaru unu t'unu be emeje iphe dŭ ēji. Teke bŭkwanu l'ō -nweru onye meru iphe dŭ ēji bē ayi nwekwaru-a onye ekfuchiru ayi l'ifu Nna ayi. Onye ono bŭ Jisōsu Kuráyisutu, bŭ onye doberu ēka ndoo. <sup>2</sup> Jisōsu ono woru onwiya chia ēja ōha; gude nwefu iphe dŭ ēji, ayi meru; jeye mē iphe dŭ ēji ōphu ndiphe mgburumgburu meru; ē tō bŭlekwa a ōphu ayibedua meru nwenkinyi iya.

<sup>3</sup> Ō -bŭru l'ayi emeje iphe Nchileke tŭru ekemu t'e meje; ōo ya bŭ; yo doo ayi ēnya l'ayi maru onye ō bŭ mbŭ Nchileke. <sup>4</sup> Onye sūru lē ya

maru Nchileke; ọ́phu oomedu iphe Nchileke tǔru l'ekemu t'e meje; onye ono bukwa onye ntuphu-ire; ọ́kpobe okfu ta nọ́ iya l'ẹ́hu. <sup>5</sup> Obenu l'onye emeje iphe Nchileke kfuru bẹ́ bụ́ onye yeru iya obu; yekpooru iya ẹ́ya; yefu iya l'ishi. Ọ́ bụ́ iphe ono bụ́ iphe e-me t'ayi maru l'ayi l'iya tǔgbaberu bǔru nanu. <sup>6</sup> Onye sǔru lẹ́ yẹ́le Nchileke tǔgbabewaru b'ọ́ gbaru t'ọ́ nọ́du egbe ndzụ́ ono, Jisọ́su shi nọ́du ono.

### *Ekemu Ọ́phungu*

<sup>7</sup> Ndu ọ́nya mu, nọ́ mu l'obu; ekemu-wa, mu ederu unu-wa ta bǔhekwa ekemu ọ́phungu. Ọ́ kwa akahụ́ ekemu, unu shikpo lẹ́ mbǔlembu nweru. Akahụ́ ekemu ono bụ́ ozi, unu nuhawaru. <sup>8</sup> Obenu l'e -kfude iya ekfukfu; mu asụ́ lẹ́ mu edekwaru-a unu ekemu ọ́phungu. ?Tọ́ bǔdu ekemu ọ́phungu bẹ́ mu ederu unu l'ẹ́ke ọ́kpobe okfu ono b'e gbe elewa l'ẹ́hu Kuráýisutu me l'ẹ́hu unubedua; okfu l'ọ́chi agvụ́wa agvugvu; ọ́gbodo iphoro egbe shiwa unu l'ẹ́hu byawa bya anọ́du.

<sup>9</sup> Onye sǔru lẹ́ ya nọ́ l'iphoro ono; nwanna iya adukwadu iya-a ashị́ bẹ́ bukwa l'ẹ́kpuru-ọ́chi b'ọ́ nọ́kwadua byeye nta-a. <sup>10</sup> Onye yeru nwanna iya obu; nọ́ l'iphoro ono; tọ́ dụ́ iphe oomeje, bụ́ iphe e-me t'onye ọ́do dalahụ́ l'ome iphe dụ́ ẹ́ji. <sup>11</sup> Obenu l'onye nwanna iya dukwadu ashị́; onye ono bụ́ l'ẹ́kpuru-ọ́chi b'ọ́ nọ́; l'ẹ́jelephu ntsutso ntsutso l'ime ẹ́kpuru-ọ́chi ono; tọ́ ma ẹ́ke o cheberu ifu; okfu l'ọ́chi ono meru; ẹ́nya agbakọ́ta iya tsǔbalangu.

12 Mu ede ẹkwo-wa anụ unube ndu bu unwegirima; okfu le Nchileke gudewa k'ehu Jisosu; ọgaru unu nvu l'iphe du eji, unu meshiru.

13 Mu ede ẹkwo-wa anụ unube ndu bu nna; okfu l'unu maru onye ono, shiru le mbulembu noduta ono. Mu edekwa iya phu anụ unube ndu bu unwu-okoroḅya; ke l'unu mekputawaru ejo onye ono, bu Obutuswe.

14 Mu ede iya anụ unube unwegirima; okfu l'unu maru Nna ono. Mu ede iya anụ unube ndu bu nna; okfu l'unu maru onye ono, shiru le mbulembu noduta ono. Mu ede iya anụ unube unwu-okoroḅya; okfu l'unu shihuru ike; okfu Nchileke eburu unu eburu l'ehu; unu emekputawa ejo onye ono; mbu Obutuswe.

15 Unu be eyekwaru mgboko-a obu; unu tee yeru iya iphe no l'ime iya. Onye yeru mgboko-a obu te yekwaru Nchileke, bu Nna obu. 16 Ishi iya bu l'iphe bu iphe no le mgboko-a kpamukpamu, bu iya bu egu ejo iphe, agugbaa madzu; me egu k'onweru iphemiphe obule, enya phuru; jeyekpo me oku onwonye o-ka-l'ike l'iphe ke mgboko-a; iphe ono l'o ha te nwekwa ophu shi l'eka Nna. O shikotakwa le mgboko. 17 Mgboko-wa; me iphe no iya nu, bu iphe agugbaa madzu tukokwa abyawa ephushihukota. Obenu l'onye eme iphe bu uche-obu Nchileke be a-nodu ndzu gbururu jeye le tutu yoyo.

### *Ọ-chi-nta Kuráýisutu*

18 Unwu mu; teke ikperazu abyaakwa. Unu nuhaakwaru le Ọ-chi-nta Kuráýisutu a-bya;

mbụ l'e -kfude iya ekfukfu bẹ igweligwe ndu-achi-nta Kuráýisutu byaakwaru. Ọo ya meru iphe ayi maru lẹ nta-a bu-wa teke ikperazu. <sup>19</sup> Ndu ono bẹ ayi l'ẹphe shikwa nọduhawa. Ẹphe anọnyaa bya alufushia. Obenu l'ẹ tọ dukwa teke ẹphe bujeru ayi. Ndege ẹphe buru ayi; mẹ ayi l'ẹphe anọdukwaa. Obenu l'ẹphe lufuru; k'ọphu ọo-buru iphe doru ẹnya l'ẹ tọ dudu l'ẹphe ha m'ọ bu onye lanu, bu ayi.

<sup>20</sup> Obenu l'unubedua bẹ Kuráýisutu yewaru Ume-du-Nsọ l'ẹhu; unu amakotaru iphe bu okpobe okfu ono. <sup>21</sup> Iphe mu gude ederu unu ekwo-wa ta bukwa l'unu ta madu okpobe okfu ono. Iphe mu gude ede iya gbe bukwaru l'unu maru okpobe okfu ono; makwaruphu l'ẹjo-ire; m'ọ -ruhuru; ọ du idagha ta budu l'okpuberu okfu bẹ ooshije.

<sup>22</sup> ?Buhunu onye bu onye obu, pataru ishi ke ẹjo-ire, ẹ-ta budu onye te ekwetadu l'ọo Jisosu bu Kuráýisutu obu, Nchileke kweru ukwa iya obu? Ọ bu onye bu Ọ-chi-nta Kuráýisutu ndono; mbụ onye ono, jikaru Nna; jika Nwa ono. <sup>23</sup> Ishi iya aburu l'iphe bu onye jikaru Nwa; jikaakwaru Nna. Obenu l'onye kwetaru ke Nwa bẹ woakwaruphu onwiya tugbabe l'ẹhu Nna.

<sup>24</sup> A bya l'unubedua; iphe mu ekfu bu t'ozu ono, unu nuwaru shitakpo lẹ mbulembu ono noshilekwaphu unu ike l'okpoma; t'unu gudeshia ya ike. Ọ -buru l'iphe ono, unu nuru shitakpo lẹ mbulembu ono bẹ noshiru-a unu ike l'okpoma; ọo ya bu; unu lẹ Nwa; mẹ Nna atugbabe buru nanu ẹge unu tugbaberu iya

kwaseru. <sup>25</sup> Owaa bụ iphe Kuráýisutu kweru ayi ụkwa iya: bụ iya bụ ndzụ gbururu jeye.

<sup>26</sup> Ono bụkwa kẹ ndu eme t'ephe mee unu iphuruphuru-ẹnya; duswee unu ụzo l'iphe kẹ Kuráýisutu bẹ mu deru unu ono. <sup>27</sup> Obenu l'unubedua bẹ Nchileke yewaru Ume-dụ-Nsọ nk'iya l'ẹhu. Mkpá onye ọdo, e-zì unu iphe ta aduhékwá unu; keshinu ọpá Ume ono ezikota unu iphemiphe ọbule; iphe ono, oozi ono aburu ọkpobe okfu; to nwe ẹjọ-ire, nọ iya nụ. Ọọ ya bụ; t'unu lẹ Kuráýisutu tughabekwa buru nanu ẹge unu tughaberu iya kwaseru. Ọ kwa iphe Ume ono ziru ndono.

<sup>28</sup> Ụnwu mu; unu l'iya tughabekwa buru nanu ẹge unu bụ iya; k'ọpá bụ teke o koshileruphu onwiya; t'obu shihu ayi ike; t'ayi be egude iphere; tsuhu egvu teke ọo-nọdu abya. <sup>29</sup> Teke bụ l'unu maru lẹ Nchileke bụ onye doberu ẹka ndoo; t'o dokwaaphu unu ẹnya l'onnyemonye ọbule, eme iphe nhamunha bẹ bụ nwa, Nchileke mụru.

### 3

#### *Ayi bụ unwu Nchileke*

<sup>1</sup> Unu phụwaru ẹge Nchileke, bụ Nna yetaberu ayi obu kẹ t'o kua ayi unwu iya; yọ bụkwaru iphe ayi bụ ndono. Iphe kparu iphe ndiphe ta madu ayi bụ l'ephe ta madu Nchileke. <sup>2</sup> Ndu ọnya mu; nta-a bẹ ayi bụakwa unwu Nchileke. Obenu l'iphe ayi e-mekochaa buru te gbe alufutakwaa. Iphe ayi maru bụlekwaphu lẹ teke Kuráýisutu byaleruphu bẹ ayi a-dụ ẹge ọ dụ; keshinu ọ bụlephu ẹge ọ dụ bẹ ayi a-phụ iya. <sup>3</sup> Ọọ ya bụ;

onye nọ Kuráýisutu l'ẹka; ele ẹnya abyabya iya ono a-bújeru onye obu gúru iphoro; lẹ Jisọsu ọbu l'onwiya bẹ bụkwa onye obu gúru iphoro.

<sup>4</sup> Iphe bụ onye meru iphe dọ ẹji bẹ ikpe nmaakwaru l'o mebyiru ekemu Nchileke; kẹ l'ome iphe dọ ẹji bẹ bụ omebyi ekemu Nchileke.

<sup>5</sup> Unu marua l'ọ bụ Kuráýisutu ọbu byaru t'ọ bya ewofu madzọ iphe dọ ẹji, o meshiru l'ẹhu; yẹbedua l'onwiya te nwekwa nọ iphe dọ ẹji, nọ iya l'ẹhu. <sup>6</sup> Ẹ to nwekwa onye yẹle Kuráýisutu tųgbaberu bųru nanų, emejekwadu iphe dọ ẹji; ọphu tọ dųkwa onye emeje iphe dọ ẹji, phųjewaru iya nų; k'ọphu ọ bųru k'ọmaru iya amaru.

<sup>7</sup> Ụnwu mu; unu be kwekwa t'o nweru onye e-me unu iphuruphuru-ẹnya; duswee unu ọzo l'iphe kẹ Kuráýisutu. L'iphe bụ onye eme iphe nhamunha bẹ bụkwa onye doberu ẹka ndoo ẹge Kuráýisutu doberu. <sup>8</sup> Onye eme iphe dọ ẹji bụkwa kẹ Obutuswe; kẹle Obutuswe shikpooru lẹ mbulembu omeswe Nchileke. Iphe Nwatibe Nchileke byaturu bụkwa t'o mebyia iphe Obutuswe eme emebyi.

<sup>9</sup> Iphe bụ onye Nchileke muru te emejehekwa iphe dọ ẹji; okfu lẹ Ume Nchileke erewa iya ire l'ẹhu; to nwe ẹge oo-shi l'emekwadu iphe dọ ẹji; keshinu ọ bụwa Nchileke muru iya. <sup>10</sup> Ọwaa ẹge ee-shi maru ndu bụ unwu Nchileke; mẹ ndu bụ unwu kẹ Obutuswe: iphe bụ onye ẹ-te emedu iphe nhamunha te shikwa lẹ Nchileke; ọphu onye ẹ-te yeduru nwanna iya obu te shikwaphu lẹ Nchileke.

*Oyeru ibe onye obu*

<sup>11</sup> Unu makwaru l'ozí-oma ono, e shi lẹ mbùlembu zita unu ono bụ t'ayi yeru ibe ayi obu. <sup>12</sup> T'ayi ba adụkwa l'ọ bụ Kenu. Lẹ Kenu nọkwa l'ẹka ẹjọ onye ono; mbụ Obutuswe; gbua nwunne iya. ?Bụ ngunu kparu iphe o gburu nwunne iya? Iphe kparu iya nụ bụ lẹ Kenu bẹ umere iya dụ ẹji; umere kẹ nwunne iya aburu umere, vudo nhamunha.

<sup>13</sup> Unwunna mu; t'ẹ b'ọ dụkwa unu biribiri l'unu dụ ndiphe ashị. <sup>14</sup> Iphe ayi e-bebekpodua maru bụ l'ayi shi nwuhu anwuhu; obu l'ayi shiwa l'onwu ono lufuta; bahu lẹ ndzụ. Iphe kparu iphe ayi maru l'ọ bụ ẹge ọ dụ ndono bụ l'ayi yeru unwunna ayi, ndu ayi l'ẹphe tuko kweta kẹ Nchileke obu. Onye ẹ-te yeduru madzụ ibe iya obu nwuhukwaru anwuhu ẹge ọ nwuhuru. <sup>15</sup> Iphe bụ onye nwanna iya dụ ashị buakwa ọchì b'o gburu. Unu manarua l'onye gburu ọchì bẹ ndzụ gbururu jeye ta anọdu l'ẹhu. <sup>16</sup> Ọwaa ẹge ayi shi maru iphe bụ n-yemobu ndọ-ọ: lẹ Kuráýisutu haru t'e gbua ya; l'okfu ẹhu ayi. Ọọ ya bụ l'ayibedua b'o rubekwaruphu ọhaje t'e gbua ayi; l'okfu ẹhu onye ayi l'iya tuko nọdu Nchileke l'ẹka. <sup>17</sup> Obenu lẹ teke bụ l'o nweru onye ẹku kẹ mgboko-a byaru; yọ phụkwaa l'onye yele iya tuko nọdu Nchileke l'ẹka bẹ mkpa byaru; o be kẹ t'ọ gbaaru iya mkpu; yo woru ẹnya kugbabe; ?nanukpoo iphe egbe onye ono agbabe ọkpa; sụ lẹ ya yeru Nchileke obu? <sup>18</sup> Unwu mu; t'ayi be egudejelekwaphu onu nkinyi iya ekfu l'ayi yeru ibe ayi obu. T'ayi gudeje umere; koshi l'onye ọwaa bẹ ayi yeru obu l'oswiya.



### *T'ayi shihu ike l'ifu Nchileke*

<sup>19</sup> Ayi -mee ege ono; ọọ ya bụ; ayi egude iya maru l'ayi shi-a lẹ Nchileke ono, bụ ọkpobe okfu l'onwiya ono. Yọ bụwaru iya rụ bẹ ayi e-gude mee t'obu kafuuru ayi oshihu ike l'ifu Nchileke; <sup>20</sup> m'o -nweru teke obu awa ayi awawa; kele Nchileke kakwa obu ayi nshinu; bya abukwaruphu onye maru iphemiphe ọbule. <sup>21</sup> Ndu ọnya mu, nọ mu l'obu; ọ -buru l'obu ta awajędu ayi awawa; ọọ ya bụ l'ayi ta atsuhedu egvu l'ifu Nchileke. <sup>22</sup> Iphe bụ iphe ayi sụru t'ọ nụ ayi bẹ ayi anatajẹ l'ẹka iya; okfu l'ayi emeje ekemu, ọ tųru; l'emeje iphe dų iya mma. <sup>23</sup> Ekemu ono, Nchileke tųru t'ayi meje ono bụ t'ayi woru onwayi ye Nwa iya ono l'ẹka; mbụ Jisọsu Kuráýisutu; mẹ t'ayi yeru ibe ayi obu. Ono bụ ekemu ọ tųru ayi; sụ t'ayi meje. <sup>24</sup> Iphe, bụ onye emeje iphe Nchileke kfuru bẹ buakwa l'ime Nchileke; Nchileke ebukwaruphu l'ime iya. Iphe ayi egudeje maru lẹ Nchileke bu l'ime ayi bụ Ume iya ono, ọ nųru ayi ono.

## 4

### *Dataodujeodu Ume ọbu*

<sup>1</sup> Ndu ọnya mu; ẹ tọ bụebekwa ndu sụru lẹ Ume Nchileke bu ẹphe l'ẹhu a-buje; ẹphe -kfua okfu; unu ekweta l'ọ bụ oswi-okfu. Unu dataodujekwa iya adata t'unu maru: Ume ọbu; ? o shia lẹ Nchileke? L'o nwekwaru ndu wufutaru; dzuru mgboko nta-a. Iphe ndu ono anọduje ekfu abukotajelephu ejo-ire; ẹphe asụ l'ẹphe ekfuchiru Nchileke. <sup>2</sup> Ọwaa ege unu e-gudeje

maru Ume ophu shi l'eka Nchileke ndo-o: Iphe bu onye kfulu l'edzudzu oha; su le Kuráyisutu Jisusu byaruphu bya aburu madzu l'oswiya le mgboko-a; unu maru le Ume, bu onye ono l'ehu bua Ume, shi l'eka Nchileke. <sup>3</sup> Iphe bu onye ete ekwejedu ekfu le Jisusu Kuráyisutu byarua bya aburuphu madzu l'oswiya le mgboko-a; unu maru le Ume, bu onye ono l'ehu te shidu Nchileke l'eka. Ume, bu onye ono l'ehu bu ume k'onye ono, bu O-chi-nta Kuráyisutu ono. Unu nuhaakwaru l'oo-mekochaa bya. O byaakwaru. Mbú; o nookwa le mgboko anono.

<sup>4</sup> Obenu; unwu mu; unubedua shikwa le Nchileke. Ndu ono, gude ugho su l'ephe ekfuchiru Nchileke ono be unu mekputaakwaru. Ishi iya aburu le Ume Nchileke ophu bu unu l'ehu be kakwa ume ke O-chi-nta Kuráyisutu ono, bu iya achi mgboko-a ekuku. <sup>5</sup> Ndu ono, anoduje agho-phe ugho l'ephe ekfuchiru Nchileke ono be shikwa le mgboko-a. Oo ya bu l'iphe ephe anoduje ekfu be shi l'egomunggo ndu ke mgboko-a. Yo buru iya meru iphe ndiphe ekweje le nk'ephe bu iya. <sup>6</sup> Ayibedua bukwa ke Nchileke. Yo buru ndu maru Nchileke bu ndu ekweje le nk'ayi bu iya. Ndu e-ta budu ke Nchileke te ekwejekwa le nk'ayi bu iya. O kwa ege ono be ayi eshije amakahu Ume ophu bu onye ekfu okpobe okfu l'ehu ye le ophu bu onye adzu ejo-ire l'ehu.

### *Nchileke bu n-yemobu*

<sup>7</sup> Ndu onya mu; unu t'ayi tuko yeru ibe ayi obu; le n-yemobu shikwa l'eka Nchileke; temanu be

onye yeru ibe iya obu bẹ bukwa onye Nchileke mụru; bya abukwaruphu onye maru Nchileke. <sup>8</sup> Onye te yeduru ibe iya obu ta makwa Nchileke; kele Nchileke bukwa n-yemobu l'onwiya. <sup>9</sup> Ege Nchileke gude koshi ayi ege ya yetaberu ayi obu bu l'o ziru Nwa lanu, o muru t'o bya le mgbokoa; k'ophu ayi e-shi iya l'eka nodu ndzu. <sup>10</sup> Eke n-yemobu owaa gude du iche bu l'e to budu ayibedua yeru Nchileke obu; o bu chia Nchileke be koshiru l'oo yebedua yeru ayi obu. Ege o gude koshi iya bu l'o ziru Nwa iya t'o bya eworu onwiya chia aja oha; gude nwefu iphe du eji, ayi meru.

<sup>11</sup> Ndu onya mu; keshinu Nchileke yeberu ayi obu ege ono b'o gbakwaru t'onnyemonye obule yegbaaru ibe iya obu. <sup>12</sup> Nchileke ta dubukwaa onye phujewaru iya nu. Obenu l'ayi -yewaru ibe ayi obu; o ya bu; Nchileke ebukwanuru ayi eburu l'ehu; n-yemobu Nchileke edzukwaaphu ayi oke l'ehu.

<sup>13</sup> Le Nchileke nuru ayi Ume nk'ia gedegede. Yo buru Ume iya ono, o nuru ayi ono meru iphe ayi maru le Nchileke bu ebubu l'ime ayi; ayibedua ebukwaruphu l'ime iya. <sup>14</sup> Ayi gudeekwa enya ayi pu; bya ekfuwaru iya onnyemonye obule: le Nna yeru Nwatibe iya t'o bya aburu Onye Ndzoa, adzoje ndiphe. <sup>15</sup> Oo ya bu l'iphe, bu onye duwaru ike vudo l'edzudzu oha; kfuwa le Jisosu bu Nwatibe Nchileke b'a maleruphu le Nchileke buwa iya ebubu l'ehu; onye obu ebukwaruphu Nchileke l'ehu. <sup>16</sup> Ayi maakwaru le Nchileke yeru ayi obu; ayi abya ewowaru onwayi ye iya l'eka; okfu l'ayi kwetaru

l'o yeruphu ayi obu l'oswiya.

Nchileke bukwa n-yemobu l'onwiya. Oo ya bu l'onye gude n-yemobu buru be bu-wa ebubu l'ime Nchileke; Nchileke ebukwaruphu l'ime onye obu. <sup>17</sup> Iphe e-koshi le n-yemobu dzuru edzudzu l'ehu ayi bu l'obu e-shihu ayi ike mboku ikpe ono. Ishi iya aburu l'o bu ege ndzu Kuráýisutu du bu ege ndzu ayi dukwaphu le mgboko-a. <sup>18</sup> Onye yeru onye odo obu ta atsujekwa iya egvu. N-yemobu ophu bu ogbodo iya achifuje-chikwa iphe bu otsu-egvu l'o ha. Okfu le madzu -emewa iphe; l'atsu egvu b'o mawaru l'aa-hu iya ahuhu. Oo ya bu l'onye ono be obu ophu o yeru te dzudu edzudzu.

<sup>19</sup> Ayi yeru Nchileke obu; okfu le yebedua vuoduru uzo yeru ayi obu. <sup>20</sup> O -buru le madzu be nwanna iya du ash; l'eke onye obu sukwaru le ya yeru Nchileke obu be bukwa ejo-ire be onye obu adzu. ?Nanu ege o bu onye yele iya bu nwanna, bu onye oole enya b'e to yeduru obu; yo gbe buru Nchileke, e to phudu be oo-gbe yeru obu? <sup>21</sup> Jisusu yebedua l'onwiya tukwaru ekemu-wa su t'onye yeru Nchileke obu yekwaruphu nwanna iya obu.

## 5

### *Okokooko, ayi atu ekpu iphe mgboko*

<sup>1</sup> Iphe bu onye kwetaru l'oo Jisusu bu Onye Ndzota obu, Nchileke kweru ukwa iya le ya ezi t'o bya obu; buakwa nwa Nchileke. Odo bu l'iphe, bu onye yeru onye muru nwa obu;

atukojekwa onye obu yele nwa iya ono yekotaru obu. <sup>2</sup> Ayi -yeru Nchileke obu; l'eme ekemu, o turu; oo ya bu; ayi amaru l'ayi yeru unwu Nchileke obu. <sup>3</sup> L'iphe e-koshije l'ayi yeru Nchileke obu bukwa omeje iphe bu iphe Nchileke turu l'ekemu; su t'e meje. Iphe o turu l'ekemu iya ono ta bukwa l'ootsu l'ehu ememe. <sup>4</sup> Iphe bu onye Nchileke muru emekputaje iphe ke mgboko; ka iya ike. Yo buru okfu l'ayi wowaru onwayi ye Nchileke l'eka; meru iphe ayi mekputawaru iphe mgboko; turu okokooko kpua ya. <sup>5</sup> ?Bu onye du idagha atuje okokooko kpua iphe mgboko? O bu onye kwetaru l'oo Jisosu bu Nwatibe Nchileke?

### *Ogbaru Jisosu ekebe*

<sup>6</sup> O kwa Jisosu Kuráiyisutu bu onye ono, byaru nu ono. Teke o byaru b'o gude mini; gude mee. E to bulekwaphu mini kpuu b'o gude bya; o gude mini; gude mee bya. Onye ekoshi l'iphe ono bu oswi-okfu bu Ume Nchileke; ke l'o bu Ume Nchileke l'onwiya bu oswi-okfu ono. <sup>7</sup> Oo ya bu l'ephe du eto agbaru Jisosu ekebe: <sup>8</sup> bu iya bu Ume Nchileke; owaa mini; owaa mee. Ekebe ephe eto ono awukolephu nanu. <sup>9</sup> Yo buru ege Nchileke shi ekoshi le Jisosu bu Nwa iya ndono. Ayi ekwetaje ekebe, madzu agba. Ekebe ke Nchileke gbe kakwaru oshihu ike. <sup>10</sup> Oo ya bu l'iphe bu onye kwetaru ke Nwatibe Nchileke ono be ekebe iya ono nowa l'okpoma. Onye e-te kwetadu ke Nchileke ono be meekwaru Nchileke onye ntuphu-ire; okfu l'e to kwetadu l'iphe Nchileke ekfu le ke Nwa iya

ono bu oswi-okfu. <sup>11</sup> Ekebe ono be bu le Nchileke nuru ayi ndzu gbururu jeye; ndzu ono aburu l'ehu Nwa iya ono b'o shi. <sup>12</sup> Onye yele Nwatibe Nchileke ono tugbaberu buru nanu; nweekwaru ndzu ono. Onye yele Nwatibe Nchileke ono ta tugbabetu buru nanu; te nwekwa ndzu ono.

### *Ndzu gbururu jeye*

<sup>13</sup> Iphe-a, mu ede-wa bukwa unubedua, woru onwunu ye Nwatibe Nchileke ono l'eka be mu ederu iya: t'unu makwanuru l'unu nwewaru ndzu gbururu jeye ono. <sup>14</sup> Obu esihuje ayi ike l'ifu Nchileke; ke l'onuje olu ayi; m'o -buru-a l'iphe ayi suru t'o nu ayi be ayi kfuru ege o bu uche-obu iya. <sup>15</sup> Oo ya bu le keshinu ayi maru l'onuje olu ayi l'iphe bu iphe ayi suru t'o nu ayi be ayi manaru l'ayi natawaru iphe obu, ayi suru t'o nu ayi obu.

<sup>16</sup> O -nweru onye phuru nwanna iya l'eke oome iphe du eji; mbu egbe iphe du eji ophu ta budu: e -mee ya; yo gbua onye meru iya nu; t'onye ono kfukwaru nu Nchileke l'okfu ehuru nwanna iya ono; te Nchileke woru ndzu nu nwanna iya ono, meru iphe du eji ono. O nwekwaru iphe du eji ophu bu: e -mee ya; yo gbua onye meru iya nu. Mu ta sukwa t'e kfuje nu Nchileke l'egbe iphe du eji onanu. <sup>17</sup> Iphe bu iphe e meru l'uzo, e-ta budu nhamunha iya buakwa iphe du eji. Obenu l'o nwekwaru iphe du eji ophu ta budu: e -mee ya; yo gbua onye meru iya nu.

<sup>18</sup> Ayi mawaru l'iphe, bu onye Nchileke mawaru te emejedu iphe du eji. Iphe emeje nu

bù lẹ Jisọsu, bù iya bù Nwa Nchileke anọduje eleta onye ono ẹnya; t'ẹjo onye ono; mbù Obutuswe be ebyi iya ẹka.

<sup>19</sup> Ayi maakwaru l'ayi bù kẹ Nchileke; lẹ ndiphe mgburumburu bẹ ẹjo onye ono; mbù Obutuswe tũru gbirimu; swechia.

<sup>20</sup> Ọphu ayi maru bù lẹ Nwatibe Nchileke ono byaru; bya emee t'ẹnya sahu ayi; k'ọphu ayi byaru bya amaru onye ono, bù iya bù ọkpobe Nchileke ono. Onye ono, bù ọkpobe Nchileke ono bẹ ayi l'iya tũgbaberu buru nanu, bù iya bù Jisọsu Kurájisutu. Ọ bù yẹbedua l'onwiya bù ọkpobe Nchileke ono; buru iya bù ndzũ gbururu jeye ono.

<sup>21</sup> Ụnwu mu; unu be ekwekwa t'o nweru iphe unu a-hajẹ t'ọ bya anọ-chia ẹnya Nchileke l'ime ọkpoma unu.

**Bayiburu Ikwo**  
**Ikwo: Bayiburu Ikwo Bible**

copyright © 2014 Wycliffe Bible Translators, Inc.

Language: (Ikwo)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 21 Feb 2024 from source  
files dated 29 Jan 2022

3867ef4e-3384-5ab4-a937-63476bb8a7bb